



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Christina Virg. M. 24. Iulii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

item VI. semper plagas animi nudaret, corpusculum ardenti cerâ perfunderet, herbas ore manderet amarissimas gustui, sed quas medicus Amor condivit. Viro nupta vitam egit tam sanctam, ut obstetricantem è caelo manum commodare VIRGO patienti non dubitavit. Ipsa Matris officio tum se functam putavit, cum DEO prolem transcripsisset. Filium certè, cui lacrimis cælum emollierat, ipse DEVS filium lacrimarum vocavit. Iam quoties illam loqui homini contigit graviori labe asperso, oberrare ipsam naribus Mephitim credidit, adeò malè olentes animas scelerati trahitis! A morte conjugis novas religiosè vivendi leges viris virginibusque scripsit, quas ipse Legislatoꝝ CHRISTVS illi dictavit, cui etiam præfenti, Anno supra M. CCC. LXXIII. animam reddidit. Mortem illius orbis ideò minùs tunc agrè tulit, quòd vivere etiam mortuam in filiâ Catharinâ crederet. *Ex Surio.*

S, CHRISTINA VIR. G, M.

24. Julii.

Dicite, quotquot Musas colitis, quid Virgine felicius, si Doctorem habere Angelum meretur? Certè Virgo CHRISTINA habuit, & Christianæ doctrinæ rudimenta cum edisceret,

C c s ab

ab ore Angeli pependit, Nempe sic ipsis Diis quoque (quos argenteos aureosq; parens habebat) rectè uti didicit, quando fractos in frustra pauperibus iussit cedere, docuitq; hos ipsos rectè deniq; mortalibus propitios esse: jam parentis furorem ut fortiter exceptit? Alapæ, vincula, unci, rotæ, flammæ velitationis speciem præbuere. Et in hâc ipsâ càm truncas corporis partes in vultum (hostis dicam an parentis?) projiceret, an non invito extorquere verecundiam potuit? Angeli deinde manu persanata an non iterum provocare hostem? Sed totâ ecce acie mors occurrit: in lacum Vulturnum præceps agitur, molari collo appenso. Vincit videlicet mari etiam virtus, & gaudet CHRISTINA à Christo toto lacu nunc baptizari, quæ omni sanguine nuper. Quid quod incolumis enatat, parens morte infelici stygiis undis mergitur? Quid ages, qui in officio pariter & odiis succedis Dion? quid Iuliane? oleum iterum ardens affundis? cum operâ perdis, picem ingeris? Christo adhæret, fornacem paras? iterum cantus inter flammæ audis, serpentes cogis? jam stygios vicit. Vbera refecas? non eget his Virgo. Sagittis denique petis? pennas addis in cælum volanti. Si nescis, illa tibi, illi meta cælum est. *Ex Mart. Rom. Adone & Petr. de Natal.*

S. C H R I.